


## “Biografia di Hendrik Ramiro Hernandez”

**Hendrik Ramiro Hernandez**, a nace dia 19 di mei 1953. El a drenta enlace matrimonial na aña 1975 cu Sra. Eva Ras. For di e matrimonio a nace su dos yiunan Milly dia 23 di februari 1980 y Uka dia 18 di maart 1985. Milly ta duna les na Scol di musica, mientras Uka tambe ta toca y ta maestra di scol. Nomer di Ramiro su tata ta Ishi Hernandez y di su mama ta Cecilia Hernandez – Maduro. Mayoria miembro di e famia Hernandez ta musico. Ramiro a nace na Hooiberg mes. E tempo aya, nan no ta nace na hospital. Ta na cas mes, na Hooiberg e parto a tuma luga. Ramiro a lanta y biba na Hooiberg y te awor ainda nan ta bibando den e barrio di Hooiberg cu ta parti di e distrito di Sta Cruz.



### Segun Ramiro e bida artistico a nifica conoce mas hende.

**Segun Ramiro bati man pa un musico ta alimento pa bo alma**

E tabata un cambio, cambio den sentido cu bo ta conoce mas hende na Aruba y afo tambe. Bo ta sali, bo ta topa hende, combersa aki aya y pasa algun rato hopi ameno. Esaki ta conta pa tur musico: bo mester tin maske un, dos, tres hende ta bati man pa bo. Esey ta alimento pa bo alma.

### E bida artistico

E bida aki a cuminsa tempo Ramiro tabatin diesdos aña, ora nan tabata scucha e muchanan ta train steelband na Piedra Plat. Tabatin un grupo di steelband, anto Ramiro ta bay cerca un amigo di dje cu yama Janchi Lacle. El a regala Ramiro un cuatro, Rafael Lacle kende ta ruman di su amigo Elviro, tabata toca guitarra y diferente otro instrument. El a logra stem e cuatro pa nan. Ey nan a cuminsa tambe. Ramiro cune anto sin bay niun scol di musica. Nan ta sinta y saca musica y cuminsa toca cuatro. E rumannan grandi Boei cu Naty ta toca den gaita y Ramiro a dicidi di bay cu nan. Tur e tocadonan tabata forma gaita di Ady Kock, anto ey Ramiro a keda. Nan di bo ta haya un wiri y el a cuminsa cu e wiri. Esey tabata e prome aña. E siguiente aña Danchi Thiel a lanta su steelband. un campana y bin toca cu nan. Asina Ramiro a drenta den e grupo. Despues cu e grupo Natia cu Buchi Wester a bay riba trompet cu Sonny Hoo riba sax, e ora Ramiro a bay toca baho. Algo a pasa cu e banda no a sigui, anto e ora Ramiro a join Bito y su Combo. Cu 14 aña Ramiro a drenta

den e grupo di steelband, mayoria di e integrantenan tabata ruman di otro. Tabata Boei, Naty, Uyo, Ramiro y Edwin (dfm). E siguiente aña nan a bay pa Twinkle Stars. Nan a pidi Ramiro toca cu Twinkle Stars, un steel orchestra. El a bay drenta aden pa toca *firstpan*, pero ora a yega e momento esun cu ta toca chello a sali, anto e ora Ramiro a bay toca chello base. Esey Ramiro a keda toca semper. El a toca mayoria bari si, pero esey tabata esun cu el a toca den Twinkle Stars. Despues el a cuminsa toca cu Combo Monaco, esey ta di Aquiles (Kilo)Wester, tambe ruman di Baas Wester. Un grupo chikito, cu acordeon di Ety Willems anto cu Sonny Hoo riba sax. Ey ta unda Ramiro a haya un chens atrobe pa drenta, pasobra su rumannan ta toca y e ta bay waknan toca. Un dia Kilo a invita Ramiro pa e tuma un bongo, Nan tabata toca cu Sep Henriquez riba acordeon. Tur cos bon organisa. Ramiro a bay toca guitarra di diesdos cuerde. E no a bay toca baho, El a toca guitarra, pasobra Wein Donata tabata toca baho. Despues cu Wein a sali for di e banda, Ramiro a bay toca baho.

## Dedicacion

Ramiro a dedica hopi tempo na toca baho. E tempo aya bo ta haya hende pa yuda bo. Ora bo yega toca den un banda, bo ta haya guia di e pianista cu ta un musico. E ta lesa musica y e ta resolve tur problema: esaki ta kico, asina bo tin di toca, aki bo tin bo breaknan, e ta splica bo tur cos. Ramiro no tabata tocando cu Sensacion so, pero e tabata yuda Vicente Kelly y Los Pimentosos, el a yuda Vibracion 74 y diferente banda chikito y esunnan tipico tambe.



Ramiro tocando baho acustico den Tipico

## Desaroyo musical



Ramiro tocando su fiyo

Un dia Ramiro tabata traha na panaderia di Nechi Harms anto Benny Vrolijk a bin pidi Ramiro si e por toca cu Sensacion del Caribe. E di bon, Sensacion ta un grupo cu e conoce, ta un grupo grandi. E ora Ramiro a bay riba baho, El a bira un banda hopi popular, ta toca cu hopi gruponan di afo. Mayoria di esunnan

cu a bini Aruba e tempo ey, Sensacion del Caribe a toca cu nan. Entre otro Cucu Valoy, Gran Combo, Larry Harlow, Johnny Ventura, Oscar de Leon tabata cu Dimencion latina, Cortigo y su combo. Di Corsou ta Macario Prudencia y diferente otro grupo di Corsou, tambe Chicas del Can y Les Aiglons di Haiti.

## Participacion den diferente grupo musical

Loke Ramiro ta corda sigur, ta bon pa menciona Tipico Los Amigos. Nan a yega di acompaña Sodo y Cuero y Ramiro a yega di yuda bandanan chikito e tempo aya cu Techy Winterdaal, Banchi Koolman, Tipico Yara. Ramiro a toca den mayoria mariachi di Aruba. P'esey Ramiro tin un trayectoria musical di basta aña. El a milita den Los Condes. El a cuminsa cu Mariachi Misteca, despues el a bay cu Mariachi Orguyo, ate den Brisa Banda Show, djey nan a lanta e Banda di Tio Juan, despues el a toca cu Ming Maduro, sigui pa Grupo di Mama Rosa.



Tipico Los Amigos

El a toca cu Sensacionales, tambe cu Las Originales, pa despues sigui e ora cu Tico y sus estrellas.



Banda di Tio Juan



Mariachi Nacional



Tico y Sus Estrellas

## E parti internacional


Ramiro a toca cu gruponan cu a bay Boneiro, cu steelband el a bay Venezuela, Colombia dos biaha, na Cali y Medellin. Nan a bay Boneiro cu steelband, cu mariachi el a bay St. Maarten, Corsou, Boneiro y Mexico tres biaha. Na Mexico tabatin manera un encuentro mundial, pasobra a bin mariachi di Europa (di Belgica y di Hulanda), hasta a bin tres musico cu guitarra di Hapon, otro mariachinan a bini di Venezuela, Colombia, Costa Rica, Panama y Cuba. Ramiro a bay Boneiro dos biaha cu Tico y sus estrellas.



Mariachi Aruba na Mexico

## Sugerencia pa futuro generacion

Musica ta algo cu e muchanan tin di tuma na serio. Awor ta mas facil, pasobra e muchanan por bay les di musica na varios luga. Tempo cu Ramiro a lanta no tabatin esey. Por ehempel, bo ta caba di traha banda di 3or y mey, haci tur luga limpi bin cas, bo ta sosega, come, dal bo baño, prepara pa bay toca 9or, anto cu ken? Podise den Club Bonaire mano a mano cu Cucu Valoy! Henter dia b'a traha trabou duro. Esaki Ramiro ta considera un gran disciplina. Ey bo ta relaha ora bo bay toca, kiermen ta hopi disciplina tabata tin pa bo por logra trece algo di calidad pa e publico. Mester tene bon cuenta cu esaki.



Ramiro cu grupo di Steelband



Mariachi Aruba